

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus IV. De immensitate Dei.

---

[urn:nbn:de:hbz:466:1-73455](#)

## ARTICULUS III.

De Infinitate DEI.

ad q. 7.

## S U M M A R I A.

1. *Acceptio & divisio infiniti.*
2. *Infinitus DEI de fide.*
3. *Habetur tum ex ratione entis à se, tum actus puri.*
4. *Essentia creatæ possibilis pendet à divina sapientia.*
5. *Aqua mediatæ & radicaliter etiam pendet rerum impossibilitas.*

## §. Unicus.

*Infinitas DEI exponitur, & affiratur.*

1. *INfinitus ex ipsa vocis notione illud dicit, quod sine finem caret.* Aliud dicitur infinitum simpliciter & in toto genere entis; aliud secundum quid, hoc est, in certo genere entis, ut si daretur infinita linea, tantum esset infinita in genere quantitatis, si daretur infinitus calor, esset infinitus in genere qualitatis.
  2. *Conclusio.* DEUS est per essentiam simpliciter infinitus. Est de fide è S. textu p. 144. *Magnitudinis eius non est finis.* Baruch. 3. *Magnus est, & non habet finem, excelsus & immensus.* Ideo SS. PP. præter Damascenus l. 1. de fide, DEUM vocat *interminatum essentia per legem.*
  3. *Deducitur tum ex ratione entis à se, tum ex ratione actus puri.* Nam ens, quod caret limitationibus & terminis essendi, est infinitum simpliciter & in genere entis, DEUS caret limitationibus, ac terminis essendi. ergo. Minor probatur: Omnis terminus, quo potest actualitas essendi limitari, aut est extrinsecus, aut intrinsecus; sed DEUS ceuens à se & per essentiam utrumque excludit. ergo. Minor probatur: quia terminus ex trinsecus est causa producens, quem excludit ut ens à se, rursum terminus intrinsecus esset essentia
- quatenus receptiva & contractiva existentia, sed esse à se est formalissimum ipsa DEI essentia, adeo que esse irreceptum, siveque infinitum in genere entis. Rursum: actu puro nulla potest abesse entis perfectio, consequenter debet esse infinitus in omni genere entis.
- Obijecies. Etiam si rerum essentiae suam possibiliteratem habeant à se & non independenter ab alio, non ideo sequitur ipsas esse infinitas; ergo tametsi DEUS sit ens à se, inde tamen non recte inferitur, quod sit infinitus.
- Repl. negando suppositum antecedentis; nam essentiae creatæ possibilis dependet à dictamine divinae sapientiae: neque (si loquarum per rationem à priori) verum est, ideo DEUS potest hominem potius ponere quam chimeram, quia ex se possibilis est, vel non repugnat: sed ideo possibilis est, quia omnium rerum artifex divina scientia in suis ideis dicit, ita & non aliter fieri debet. Non ideo tamen DEUS Angelum, vel hominem potuit aliter facere, quam sit possibilis, quia istud dictamen, & ista idea pertinent ad scientiam necessariam simplicis intelligentiae, divine voluntati præsuppositam.

Dices: Impossibilitas rerum, v. g. chimera, non fundatur aut penderit ex DEO; penderet enim ex defectu divinae potentiae, quod dicere est absurdum. ergo neque possibilis opposita penderet ex DEO.

Respl. neg. antec. Etiam si enim non immediata, mediata tamen & radicaliter etiam ipsa impossibilitas & repugnans rerum fundatur non in defectu, sed perfectione divinae potentiae & scientiae; quippe quæ dictando & continendo perfectionem alicuius essentiae & naturæ, hoc ipso facit illam repugnantem & impossibilem cum altera adæquatè diffingat.

## ARTICULUS IV.

De Immensitate DEI.

ad q. 8.

## S U M M A R I A.

1. *Explicatio immensitatis.*
2. *Fides docet DEVM immensum.*
3. *Ratio S. D. probat ex Omnipotencia.*
4. *Alia operatio DEI immanens, alia virtualiter transiens.*
5. *Auctoritas script. pro ratione S. D.*
6. *Ratio ex contactu virtutis.*
7. *Infinitus ex immediatione virtutis occurritur.*
8. *DEVS de novo est in creaturis per illarum mutationem,*
9. *Et tanguam illas continent.*
10. *Specialis DEI presentia reducitur in operationem.*

11. *Negatur petitio principii.*
12. *Quomodo prius sit esse, quam operari.*
13. *Immensitas constituitur per virtutem operantem.*
14. *Ideo prior operatione.*
15. *Immensitas distinctum attributum ab omnipotencia.*

## §. I.

*Exponitur & astrictur immensitas**DEI.*

Considerata absoluta infinitate, hunc consideramus modum infinitum DEI existendi in rebus, qui dicitur immensitas, estque virtus infinita

G 3

54 Tractatus I. Disputatio V. Præemialis. Art. IV. §. I. & II.

nita repletiva loci, seu virtus diffusiva sui per omne spatum: actualis quippe diffusio & repletio loci, non ab eterno, sed ex tempore DEO convenit per connotationem ad creaturas existentes, & alias ubiquitas, vel omnipräfentia dicitur: at virtus diffusiva necessariò & ab eterno DEUM denominat, ideoque constituit attributum Immensitatis.

2. CONCLUSIO. De fide est DEVM esse immensum. S. D. q. 8. a. 1. & 2. Constat ex Symbolo Athanassii: *Immensus Pater, immensus filius, &c.* ex Concil. Later. in c. firmiter è pluribus S. script. textibus, ut pf. 138. quò ibo à spiritu tuo? in que Chrysost. *Quò à te proficišcar? omnia implexa, omnibus ades, non per partes, sed omnibus simul torus.* Jer. c. 33. *Nanquid non celum & terram ego impleo?* Neque Ethnici hac veritas latuit, è quibus Scn. l. 4. de benef. c. 8. nihil ab ipso vacat, opus suum implet. & Poëta

*Jupiter est, quodcumque vides, Jovis omnia plena.*

3. Rationem immensitatis dat S. D. ipsam omnipotentiam; sicut & actualis omnipräfentia, operationem DEI in rerum omnium essentiis intinsecè illabentem: Ibi DEUS est intimè præsens per substantiam, ubi operatur: sed DEUS omnia in omnibus operatur, etiam ipsum esse rerum: ergo DEUS est rebus omnibus intimè præsens: cumque virtus omnia in omnibus operandi ipsi ab eterno conveniat: etiam ab eterno convenit virtus omnia replendi, seu in omnibus existendi, quæ est immensitas.

Ceterum duo hic ensunt dubia, primò: an hæc data ratio Immensitatis sit formalis & aquata? Secundò: An DEUS ratione sua Immensitatis de facto sit in spatiis imaginariis? hoc est in illa vasta & inani capidine, quæ ultra cæli supremi extinam superficiem secundum nostram imaginacionem in immensum extensit. Sit igitur ad prioris questionis resolutionem.

§. II.

*Propugnatur ratio D. Thome.*

4. Supponit aliam esse operationem DEI penitus immanentem, aliam virtualiter transeuntem: quamvis enim omnis operatio DEI sit actus formaliter immanens, utpote actus intellectus vel voluntatis, non solùm in DEO, sed penitus idem cum ipso existens, aliqui tamen nullum relinquent effectum creatum, luntque actus necessarii, quibus v. g. se ipsum cognoscit, amat, &c. aliqui relinquent effectum creatum, ut est creatio mundi, justificatio &c. ideoque dicuntur virtualiter transeuntes, nempe non ratione sui & ex parte DEI; sed ex parte & ratione effectus producti. De qua posteriori proinde operatione procedit quæstio.

5. CONCLUSIO. Operatio DEI virtualiter transiens est ipsi ratio formalis, existendi in rebus. Ita cum Angelico Doctor eis Discipuli. Probat omni præsentiam, quæ ex ipsis intrinseca operatione. David quippe postquam dixerat: *Si ascendero in celum, tu illic es, &c.* hanc subiunxit causalem: *etenim illuc manus tua* (hoc est virtus & operatio) *deduct me, & tenebit me dextera tua.* Ille vero ut Atheniensibus persuaderet: *DEVM non longè esse ab unoquoque nostrum, rationem reddidit: in ipso enim vivimus, movemur, & sumus.* Eandem dat rationem D. Anselmus Monol. c. 22. *quoniam nihil sine DEO potest aut esse, aut conservari, dicere cogimur, DEUM ubique & semper esse.*

Probatur secundò fundamentali ratione S. D. 6. Cum substantia præstet spiritualis ex se sit indifferens ut sit in aliquo vel nullo; in hoc, vel illo loco, propriumque substantia sit, non in aliquo, vel ad aliquid, sed esse & dici ad se, & in se: idcirco formalis ratio essendi in loco non potest esse rei substantia, sed dimensio & contactus: atqui DEUS ad res creatas non habet alium contactum quam virtutis, qui est operatio ipsius; ergo non nisi per contactum virtutis seu operationem formaliter est in rebus. Sic etiam S. D. in 1. diff. 37. q. 1. a. 2. dicens: *Essentia DEI cum sit absolute ab omni creatura, non est in creatura, nisi in quantum applicatur fibi per operationem, & secundum quod operatur in re, dicit esse in re.*

Dices: Hac ratione nondum probari, quod 7. DEUS rebus omnibus sit præsens per suam substantiam: quia ad contactum operationis non necessario requirit suppositi immediatio, sed sufficit immediatio virtutis.

Sed contrà est. Operatio de qua cum Apostolo & D. Anselmo S. D. loquitur, & virtus operativa, est illa, quæ DEUS omnia in omnibus operatur, conservando illorum esse; sed hæc operatio necessariò requirit immediationem suppositi: nam virtus influxiva totius esse, ejusque conservativa est virtus creativa totius entis, quæ sicut & ipsa creatio activa est intranea DEO & cum ipsis esse identificata, ut ex Philosophicis suppono; atqui hæc virtus operativa est influxiva totius esse; ergo est penitus identificata cum esse divino; ac proinde si DEUS per suam operationem sit præsens immediatione virtutis, hoc ipso quoque sit præsens rebus secundum immediationem suppositi. Major constat, quia virtus influxiva & conservativa totius esse est causativa entis ut sic tanquam effectus universalissimi ex nihilo produci; cum subtrahatur tali influxu res protinus abiret in nihilum; sed hæc est virtus creativa: ergo.

Confirm. primò. DEUS tanquam in se immutabilis de novo existit in creaturis non per sui mutationem aut applicationem ad creaturas, sed ipsas immutando, fibi applicando; sed hoc sit per operationem transeuntem, ergo.

Confirm. secundò. DEUS est in rebus tanquam illas continens & ut Apost. Hebr. 1. portans omnia verbo virtutis sue, & quatenus illabitur in earum essentiam & terminos effendi: nam hæc est intima præsentia soli DEO propriæ; sed hoc fit per ipsius operationem virtualiter transeuntem & conservativam ipsius esse. In essentiam enim inquit, S. D. in 2. d. 8. q. 1. a. 5. ad 3. non intrat, nisi ille, qui dat esse, scilicet DEVS Creator.

Confirm. tertio. Specialis DEI præsentia, quæ 10. DEUS v. g. justis est præsens per gratiam, beatis per gloriam, reducitur in ipsius operationem virtualiter transeuntem: ergo & omnipräfentia universalis.

Dices

## De attributis Divinis in specie.

55

11. Dices primum. Hacratio S. D. videtur petere principium, quia omnipotentiam DEI probat per immediationem suppositi, qua ipsa nihil aliud sit, quam interna praesentia, ergo. Resp. nego antec. ejusque probationem: nam S. D. ultimato probat omnipotentiam DEI ex universalissimo modo operandi, necessario procedente ex virtute increata & inferente immediationem suppositi.
12. Dices secundum. Prius natura est DEUM esse aliebi, quam ibi operari: ergo ex operatione transiente DEI non recte probatur ipsius omnipotencia & immensitas. Antec. probatur: quia operari sequitur ad esse, & prius est rem esse, quam operari.
13. Responde. Nego antec. & ad probationem dist. antec. prius est esse quam operari ad extra in linea effendi, conc. in linea locandi, vel effendi alicubi, sic nego. Nam in linea locandi, primum est ratio locandi, alterum ipsa res locata.
14. Dices tertium. DEUS ab aeterno fuit immensus, quamvis ab aeterno nihil fuerit operatus: ergo immensitas est prior ratione quam operatio. Resp. conc. totum, quia immensitas formaliter non constituitur per operationem sed per virtutem operandi.
15. Dices quartum. Immensitas DEI reddit DEUM rebus praesentem praesenti infinitam: sed immensitas est prior operatione; ergo DEUS per prius redditus praesens rebus, quam operatur in ipsis. Resp. dist. min. immensitas ut virtute DEUM faciens praesentem, est prior operatione conc. faciens actu presentem nego. ergo per prius DEUS redditus rebus praesens, quam operetur, virtute, conc. in infinitum.

Si dicas: Hac ratione immensitas non constituit distinctum attributum ab omnipotencia. Resp. nego seq. nam immensitas non constituitur formaliter per virtutem operandi praeceps ut talis; sed per ipsam ut diffusivam divinam substantiam & virtualiter extensivam sine fine & termino in infinitum.

## ARTICULUS V.

Sitne DEVS in spatiis imaginariis.

### S U M M A R I A.

1. DEVIM non esse in spatiis imaginariis probatur multiplex ratio.
2. Similis autoritas S. script. & PP.
3. Rejicitur ubicatio intrinseca absoluta.
4. Quoniam SS. PP. dicunt DEVIM esse supra & extra mundum.
5. Objicitur paritas de eternitate.
6. Eadem rei queatur negando anterioritatem formalem in eternitate.
7. Disparitas inter eternitatem & immensitatem.
8. Non sequitur ex nostra sententia DEVIM posse esse divisum vel mutabilem.
9. Immensitas sequitur ad duplex attributum.
10. DEVIS ubique per essentiam, potentiam, & praesentiam.
11. Nulla creatura communicabilis ubiquitas.

### §. I.

Impugnatur existentia DEI in spatiis imaginariis.

1. CONCLUSIO. DEVIS actu non est in spatiis imaginariis. Ita Thomistæ. Ratio ex dictis est primo. Deus actu ibi est, ubi operatur: sed Deus deinde nihil operatur in spatio imaginario: ergo in illo actu non est. secundum. In nihilo nihil est, inquit S. D. in 1. d. 37. q. 1. a. 3. sed illa spatia imaginaria & mundi possibilis actu nihil sunt, ergo.

Tertio. Nihil dicitur existere in rebus imaginariis, v. g. non dicimus, accidentia Eucharistia existere in subiecto imaginario: ergo etiam in spatio imaginario nihil recte dicitur existere.

Quarto. Verbum Divinum priusquam mundus sit productus, ab aeterno non dicitur sive in mundo imaginario, sed in principio aeternæ generationis, Verbum erat apud DEVIM. Jo. c. 1.

ergo enim sunt mundi plures extra hunc mundum producibles in infinitum, tamen non recte dicitur DEUS in iis existere, sicuti nullo adhuc existente mundo ab aeterno existebat in se ipso, non in mundis possibilibus, prout testantur SS. & antiqui PP. D. Aug. in ps. 122. Antequam DEVIS faceret Calum & terram, ubi habitabat? & antequam faceret sanctos, ubi habitabat? in se habitabat DEVIS, apud se habitabat, & apud se est DEVIS. Tertull. l. adv. Prax. c. 5. ante omnia DEVIS erat solus, & ipse sibi locus, & omnia. Dionysius Carthus. in 1. d. 37. q. 1.

Dic ubi tunc esset, cum preter eum nihil esset?

Tunc ubi nunc, in se, quoniam sibi sufficit ipse.

D. Bern. l. 5. d. confid. c. 6. similiter interrogans, ubi erat DEVIS, antequam mundus ficeret? Respondet. Non est, quod quaras ultra, ubi erat?

preter ipsum nihil erat: ergo in se ipso erat.

Dices: Hac quidem probare DEUM non esse in spatiis imaginariis per praesentiam & ubicacionem relativam, non autem probare, quod DEUS ibi non sit per suam absolutam praesentiam & ubicacionem sua esse in spatio intrinsecam, per quam non tam in spatio imaginario, quam in se ipso est ultra carlos in immensum diffusus, prout indicat S. script. Job. 11. Excelso calo, profundior inferno, SS. PP. passim dicentes cum D. Gregorio 2. Moral. c. 8. & Damasceno, DEVIM esse extra omnia & ultra omnia, omnia ambiendo terminantem, & super omnia existentem. inquit ipse S. D. quodl. 12. a. 1. DEVIM non tantum esse in his, que sunt, sed etiam in imaginatis & in praeteritis, & in futuris.

Sed contra est, quod S. D. non aliam agnoscat quam relativam praesentiam & ubicacionem: & illa DEI absoluta praesentia vel ubicatio, in intrinsecis ac modalibus ubicacionibus fundata, sit fistitia. Ita enim d. 39. q. 2. a. 3. hinc DEO, inquit,

ab